

## Stärnewuche-Rap 2011

Refrain

The musical score is written on four staves in 4/4 time. The first staff has a treble clef and a key signature of one flat (B-flat). The notes are: C4, D4, E4, F4, G4, A4, Bb4, C5, Bb4, A4, G4, F4, E4, D4, C4. Chords above are C, G, Am, Em. Lyrics: Stär - ne - wu - che, Stär - ne - wu - che, mir set - zen üs y, will

The second staff has a treble clef and a key signature of one flat. The notes are: C4, D4, E4, F4, G4, A4, Bb4, C5, Bb4, A4, G4, F4, E4, D4, C4. Chords above are F, C, F, G. Lyrics: d'Chin - der uf dr gan - ze Wält söl - le gsund und z'fri - de sy.

The third staff has a treble clef and a key signature of one flat. The notes are: C4, D4, E4, F4, G4, A4, Bb4, C5, Bb4, A4, G4, F4, E4, D4, C4. Chords above are C, G, Am, Em. Lyrics: Stär - ne - wu - che, Stär - ne - wu - che, häl - fet doch ou mit,

The fourth staff has a treble clef and a key signature of one flat. The notes are: C4, D4, E4, F4, G4, A4, Bb4, C5, Bb4, A4, G4, F4, E4, D4, C4. Chords above are F, C, F, G, C. Lyrics: dass es gly ou im Kon - go meh fre - i Chin - der git.

1.

Stärnewuche, Stärnewuche, um was geits, was söll das sy?  
Es Projekt vilech vor Uni, Teleskop, Astronomie?  
Nei, es geit um öppis anders, mach doch das Jahr ou grad mit,  
Wenns vo UNICEF scho z'achte Mal e Sammelwuche git.

2.

Geng die letschti Wuche im Novämber mache mir mobil.  
Andre Chinder z häufe, wo's nid eifach hei, isch üses Ziel.  
Mir hei mega viu Ideene und mir sammle huufe Gält,  
unterstütze dadermit andri Chind uf dere Wält.

3.

Hesch du vilech scho mau vom Kongo öppis ghört?  
Vo däm grosse Land zmits z Afrika, wos huufe Chinder hett.  
Meh als d Helfti vor Bevölkerig isch under achzäh Jahr alt.  
Was mir vo ihne gläse hei, isch gar nüt, wo üs gfallt.

Refrain

4.

Es schöns Land isch dr Kongo zwar, es isch dert tropisch warm,  
der Bode, dä isch rych a Schätz, doch d Lüt sy bitterarm.

Guld u Diamante gits dert, aber nid im Portmonee  
sondern tief ir Ärde inne, wo mes nid cha gseh.

5.

Tuusigi vo Chinder schaffe i der Industrie,  
wo das Züüg zum Bode useholt, e Schläck isch das de nid!  
Mit Hacke, Hammer, Meissel, oder mit de blosse Händ  
grabe d Mönsche tiefi Löcher, Gräbe, Stolle, s nimmt keis Änd.

6.

Immer tiefer, immer dunkler, immer enger wird dr Schacht,  
chasch bloss hoffe, dass dys Tunäll häbt, wennis ystürztzt, denn Guetnacht!  
Es isch gfährlech, es isch schädlech, und dr Lohn isch megachly.  
Vilech längts für öppis z'Ässe, und das wärs de ou scho gsi.

7.

Zyt zum Spile? Chraft zum Lehre? Vo dämm cha me nume tröime,  
we me jede Tag zäh Stung ir Mine schuftet, irgendnöime.  
Und natürlech, ou di Gsundheit, die geit so ganz schnäll kaputt.  
Und nid sälte finde so die Chind, wo schaffe, früeh der Tod.

8.

Ja, da mues me öppis mache, das cha so nid witergah.  
Die Missstäng y der Republik, die cha me nid lah stah.  
Logisch, dass me die, wo lyde, müglescht unterstützt.  
UNICEF het überleit, was äch dert am beschte nützt.

Refrain

9.

D Chinder us de Mine z'hole, das isch, was mir wei.  
Eltere usbilde, dass si für d Ching Sorge chöi.  
Für die chranke Chinder bruucht es gnue Medikamänt.  
Aui zäme säge mir: Chinderarbeit bruucht es Änd!

10.

U drum losit, liebi Schwitzer, und näht ds Portmonee id Hand,  
suechet nach de blaue Böxli, die gits gly im ganze Land.  
Und de säge mir öich merci, dass dir grosszügig syt,  
das Projekt tüet unterstütze, wo viu Hoffnig wytergit.

Refrain